



Diario pa



Aruba



NOW!!
FOR
COOLNESS
AIRCONDITIONING
Tel. 2170



Anja 24

DIABIERNE 5 DI JULI 1963

No. 4682

REUNION DI EMERGENCIA DI GABINETE ARGENTINO

Despues di amenaza
di Peronistanan

BUENOS AIRES, 5 juli — President Guido A. yama e gabinete den un sesion urgente despues cu lidernan neo-Peronista y e partidonan cu a uni cu nan a dindi pa hoyeora e eleccion di diadomingo unwar si gobiernu pone un prohibicion pa participacion di nan candidatonan na e eleccion.

Diazon anochi gobiernu a prohibi

PROME GRUPO CU A SLAAG PA A.T.S.

ORANJESTAD, 5 juli — Dia 4 di juli esta ayera a slaag pa nan examen final na Arubaanse Technische School e siguiente alumnonan:

ELECTRO TECHNIK: Emmanuel Faro, Albert Heronimo, Harold Lede, Wayne Norhrega, Washington Kock, René Rodríguez, Francisco Tromp.

Rifto Anthony, Pedro Angela, Dave Hodges, Cecil Brown, Ramiro Croes, Lucio Mitan, Theclure Bernier, Miguel Eysbrecht, Richard Frank, Felix Ellis, Edmundo De Kort.

CARPINTE: Thelmo Solongner, Marcelius Barry, Juan Trausquin, Pedro Koolman, Pedro Werleman, Romaldo Wernet, José Wever.

AUTOMONTEUR: Rogue Tromp, Romulo Ruiz, Franklin Tromp, Gliberto Quilada, Hendrik Lacie, Adriaan Giel, Mario v.d. Elenden, Lorenzo Winterdaal, Metlan Arrindell, Hermengildo Jacobino, Alfonso Milton, Roberto Bryson.

lista die candidato Peronista Raul Matera cu a dindi pa bira candidato pa presidencia. Matera a anuncia, en si nan eligible, ex-dictador Juan Peron lo por regresa Argentina.

Na un reunion sindicalista nan a insisti na e conseho aliu Peronista y sindicatonan industrial pa vota diadomingo blanco.

Segun oradornan nan a tuma e decision aki despues di un cantidad di decisionnan di gobiernu y pronunciamiento nan justicial, caminda nan a pone limitacionnan pa e neo-Peronistanan y candidatonan uni cu nan.

Segun circulanon hon informa gobiernu ta bou di presion fuerte di oficialnan cu kier pa pone un prohibicion absoluto pa e candidatonan Peronista.

DISTINCION PA MR. v.d. GOES VAN NATERS

BONN, 5 juli. — J.H.R. mr. M. van der Goes van Naters, miembro di Tweede Kamer di Parlamento Europeo, a hanja awe den Universidad na Bonn distincion die premio Tienhoven 1962. Foi 1956 nan ta duna e premio aki na esnan cu a haci un bon servicio den e lucha pa mantene belleza di naturaleza.

16 A PASA EXAMEN DI MULO CU EXITO

ORANJESTAD, 5 juli — Ayera tabata un dia di mas malo te awor aki di e examen pa MULO di e anja aki. No menos cu cuater candidato a haci nan examen malo, esta 20% a resulta di no por hanja nan diploma. E 16 cu a pasa cu bon exito ta:

Mirna F. Erasmus, Edilia H. Garcia, Maria J. Chacuti, Helen R. van Romondt, Lilla I. Maduro, Elias W. Wilson, Ello A. Gonzalez, Harold M. Wout, Marcelino G. Nicolaas, Simon N. Angela, Leonard M. Bérénos, Ramfis E. Kolfin, Philippe Luglery, Frans J. Eduardo, Rolando F. Mauro y Henry V. Petronila.

Frans J. Eduardo tabata e mihor candidato di ayera.



E conferencia cumbre entre e lidernan comunista cu a tuma lugar den Berlin Oriental pa mayoria parti a transcuri riba awa. Riba e portret aki dr.p.d. Novotny (Tszechoslovakia), Gomulka (Polonia), Chroesjef, Stoph, Honeckke y Shikov durante e paseo den boto, caminda tambe nan lo a papia di e venidero conferencia entre Rusia y China.

L. KUIPERI SUB-DIRECTOR DI A.T.C.

ORANJESTAD, 5 juli. — Manera cu nos a anuncia den un otro articulo di e edicion aki senyor Leo Kuiperi ultimamente en coneccion cu e baida di general-manager E. Badoks, a worde nombra como sub-director. Senyor Kuiperi ta encarga cu e asuntonan di paeus di e firma. Desde anja 1954 cu el a drenta servicio di Aruba Trading Company el a yuda hopi na decoracion di e tiendanan di e firma. Diferente disenjonan y decoracionnan tabata directamente for di su man.

Dr. Eric Williams sirbidor di ciencia y su pueblo

ORANJESTAD, 5 juli — Manera cu nos a anuncia algun dia pasa caba, lo yega Aruba majan malnta pa 8'or y 35 na aeropuerto Prinses Beatrix, e premier di Trinidad y Tobago. E bishita di e premier na Aruba no ta nifica unicamente e bishita di un personahe halto di un cierto pais, pero e bishita di un homber cu ta un sirbidor di ciencia y di su pueblo.

Dia 25 di september 1911 a nace na Port of Spain Trinidad, Eric Eustace Williams, e premier jiu di un familia cu durante tempo a crece bira 12 ruman. Ya durante di su temponan na school el a muestra un capacidat grandi pa studia, loke a resulta den un beurs pa sigui su estudio. Su estudio a worde continua na St. Catherine Society na Oxford caminda e estudiante for di Trinidad a muestra di tin inteligencia excepcional. Esaki endubablemente a yuda cu e tempo ey dr. Williams a bira un di e miembronan di staf di e corps di maestronan na Howard-University na Washington, Estados Unidos. Un universidad unicamente pa hendenan di color. Su ramo akinan tabata ciencia politica. Durante e promer anjanan di segunda guerra mundial el a hanja diferente beursnan pa estudio na Cuba, Puerto Rico, Haiti y e republica Dominicana. door di cual el a hanja e oportunidad grandi di orienta su mes ariba e situacion politico di e tempo ey di e diferente paisnan den e teritorio di Caribe. Despues cu el a bolbe Trinidad el a worde nombra como presidente-interino di comision di investigacion di e Comision di Caribe.

Den politico

Ta te na algun anjanan despues, na anja 1945, Eric Williams a drenta politica. E tempo ey el a worde nombra como consehero na un conferencia economico-regional cu tabata worde teni na Port of Spain, Na anja 1955 e tabata e consehero oficial di Alberti Gomes, e tempo ey promer minister di Trinidad, na e conferencia di tur e teritorionan Ingles na London. Asina e carrera politica di dr. Williams a cuminsa, como representante y consehero na diferente conferencianan cu tabatin algo di haci cu gobiernu di Trinidad.

Mundador di P.N.M.

Cuminsamento di anja 1956 el a forma "People's National Movement". Ma-sha liher e partida aki cu tabata bati di su guia a hanja apoyo di e inteligen-tenan y tambe di e campesinonan. Su talento pa tene discurso indubablemente ta un di e stimulanonnan cu su partida a crece asina liher. Na anja 1956 su partida a forma gobiernu di cual el a bira promer minister.

Promer premier

E eleccionnan di 1961 a worde gana door di su partida cu un mayoria mas grandi ainda. E mes un tempo Trinidad y Tobago a hanja nan independencia. Dos anja promer el a bira premier y alavez minister di Asuntonan Exterior. Cu sabiduria y dominio personal el a logra cu su pais cu tabatin un cierto autonomia a hanja independencia completo dia 31 di Agosto 1962. Ya un programa economico bon prepara a logra yuda claramente den e desaroyo di Trinidad y Tobago.

Dr. Williams tin diferente bukinan interesante ariba su nomber manera "Capitalism and Slavery", "The negro in the Caribbean" (1944) y "Education in the British West Indies".

BOWLING PARTY NA TIVOLI

ORANJESTAD, 5 juli. — Diasabra anochi, esta majan anochi, lo tuma lugar den Tivoli Club e entegamento di premionan di e competitie di bowling. Durante e fiesta aki cu ta cuminsa 9'or y mei di anochi, e animacion lo ta na encargo di "Caribbean Stars".

E mes un anochi aki tambe, lo tuma lugar e eligimento di Miss Tivoli 1963. Pa e ocasion aki tur miembro tin derecho ariba un voto.

FATUM — Tel: 1845
pa tur bo aseguranon

A. A. BRITTEN A GRADUA NA E.U.

ORANJESTAD, 5 juli. — Na e Universidad Catolico di Merca na Washington, D.C., Senyor Angelo A. Britten a hanja su grado pa Bachelor Mechanical Engineering. Esaki segun un comunicado di e universidad.

NOVENO A.S.U. OLIMPIADA

AWE NOCHI, DIABIERNE 5 di juli 1963

Grandioso Inauguracion

pa 7.30 p.m den WILHELMINASTADION cu
"DEFILE DI DELEGACIONAN DEPORTIVO
HISAMENTO DI BANDERA ANTILLANO
ENTRADA DI DEPORTISTA DI ANJA
FUEGO ARTIFICIAL
DISCURSO DI PRESIDENT DI A.S.U.
ENTREGA DI ANJER BEKER
y presentacion di e diesdos
CANDIDATANAN PA REINA DI DEPORTE
y por ultimo un programa completo di
BOXEO AMATEUR

Entrada f 1,—

Mucha mitar prijs

APOYA A.S.U. OLIMPIADA

MASCARUBA TA PARTICIPA

cu tur e kaarchinan pa e di 7 presentacion di
P.P.G.G.G.
di awenochi den CENTRO CULTURAL ta
completamente bendi caba.
Keda pendiente pa e di 8 presentacion den
Centro Cultural

LOPE BEAUJON PROPONI PA BIRA MINISTRO

ORANJESTAD, 5 juli. — Diazon anochi un reunion a worde teni, entre e directiva di P.O.V.A. y e conseho di e partido. A worde dindi pa propone senyor J. R. L. (Lope) Beaujon, hefe di e departamento di Arubidszaken y Maatschappijke Zorg di Bestuurskantoer pa e vacante den ministerraad, cual a keda habri desde cu senyor O.S. Henriquez a gradici pa e puesto. Senyor Beaujon ta un di e fiel miembronan di e partido, cu na anja 1950 a tuma parti na e eleccionnan ariba lista di P.P.A. na cual eleccion e partido aki pa di promer bira a tuma parti.

Desde e tempo ey e tabata cinco biha candidato ariba e lista di PPA y cada biha e cantidad di voto.

PRESENTACIONNAN DI THEATER CHINES NA ARUBA

ORANJESTAD, 5 juli. — Dia dos y tres di juli, Foo Hsing Theater di Formosa a duna dos exitoso presentacion na Aruba. E presentacionnan aki a tuma lugar na Centro Cultural na Oranjestad, bao di auspicio di Arubaanse Kunstkring.

Tur e dos presentacionnan a trata di historianan di China. E promer presentacion tabata "The Beautiful Bird" y esun di dos tabata "The White Snake". E publico cu a bishita e operanan aki indubablemente a goza di e weg cu e Chinesnan aki a presenta.

Cuminsamento di cualkier marca di modelo auto nos y bo tin chans pa gana un OPEL KADET nobo completamente gratis. Pa mas informacion ARUBA TRADING COMPANY

E musica Chines a resulta di ta hunga un rol principal den e operanan, apesar cu de bez en euando e sonidonan ta poco skerpi di mas na e oreanan di e hemisferio aki. E distirnan di e figuramentan di tur sorto di color y hunita huntu cu e efectonan di luz, tabata algo agradabel pa e clientos di paarnan di wowo cu den dos ocasion a dirigi nan bista pa e podium di Centro Cultural. Especialmente nos por a constata cu e acrobatic di e Chinesnan a cai masha na smaak di e publico. Y gracias na e grandura di e podium di Centro Cultural bailenan di hringamentu cu saha por a worde haci manera cu mester.

Cu e presentacionnan tabata formidable nos por a constata despues di e operanan, ora cu minuitun largo aplauso a resona den Centro Cultural. Arubaanse Kunstkring por mira atras aloya un programa exitoso.

tonan na su favor tabata bira mas. E ultimo biha durante di e eleccionnan pa Staten na anja 1958 el a hanja 139 voto. Hopi anjanan largo senyor Beaujon tabata miembro di Eilandsraad y miembro di Staten. Den e ultimo anjanan su salud no ta asina bon.

**36 A HANJA NAN DIPLOMA
DI LANDAMENTO SERCA
Y.M.C.A.**
SAN NICOLAS, 5 juli. — Diasabra dia 29 ultimo un grupo di hobennan di John Wesley College a pasa nan examen final di landamento di e klas di YMCA. E examinador tabata senjornan Sanjuro B. y Parker Lake. Tabatin dos grupo: Minnow Class y esan di e cuminzadonan.

E diploma di cuminzadonan a worde entrega na:
Anita L. Meyers, Glenn D. Amzand, Nathalie de Robles, Nelly R. Tuinfort, Warl Th. Quashie, Leoncio A. Hazel, Rubert A. Barry, Kenneth Wijid, Helen N. Ferrol, Ria Y. Ferrol, Rodolf Montnor, Benjamin F. v. Trikt, Pascal Roberts, Deanne D. Amzand, Albertina A. Bryson, Aosevelt R. Quashie, Gerda H. Polak y Marguerite A. Martin.

Di "Minnow Class" a hanja diploma:
Bunny I.B. Poeray, Dirk Jan Helminck, Berthold C. Helminck, Bob v.d. Ban, Edward F. Fernandes, Lya P. de Vries, Helouise M. Lioe A. Tjme, Elly D. Rustveld, Leonard A. Oosthuizen y Dorne W. Edwards.

Un examen special a worde pasa pa Alicia Sanjuro y Rudolf Sanjuro, kendenan cu esaki a hanja diploma di promer klas. Senyor Parker Lake a pasa cu exito su examen pa e cualificacion di mas halto, esta instructor-examinador di deporte acuatico. Despues di vacacion di verano YMCA ta sigui cu su curso di landamento.

PASEO DI SCHOOLBRIGADIERS

ORANJESTAD, 5 juli. — Dia 12 di juli venedora, e schoolbrigadiernan, esta e hobennan cu anja aden anja afor, nos por mira dirigiendo e trafico den e becindario di e schoolnan na Companian lo bai haci un paseo over di e isla.

E paseo aki lo tuma lugar bao di e guia di senyor W. Wijfels, hoofd-agent na departamento di trafico. Entre otro nan lo bishita algun echa, Victoria Bottling Co., y pa termina na POVA, caminda nan lo por landa, come y mira un pelicula. Ajanan lo dirigi palabra na e hobennan, comisario di polis C. de Jager y J. van der Schoot di Lions, e club cu ta organiza e paseo aki.



UN MIRADA...
UN CONTESTA SIMPLE...
y bo por gana un
dje siguiente premios:

PROME PREMIO
Fls. 25,—

SEGUNDO PREMIO
1 botter di 1/2 galon di
RON SIGLO 20

TERCER PREMIO
1 botter di 1/2 Litro di
RON SIGLO 20

E pregunta ta:

Cuanto color tin ariba e
barchi di RON SIGLO 20
cu tin ariba e dak di ofi-
cina di

Licores Aruba N.V.
Nieuwstraat 36

* Jena e coupon aki of skirbi ariba
otro papel, y entreguele na: Re-
daccion di "ARUBAANSE COU-
RANT" den Nassaustraat 85.
* Si tin mas cu 1 ganador suerte
lo dindi.
* E concurso aki ta cera dia 15
di juli 1963.

Contesta:
Numero:
Adres:
y corda... cu botter ba-
shi di RON SIGLO 20,
SEMPER tin balar y por
worde cambia pa bunita
regalos.



Qu e ceremonianan di custerber y coronacion di Papa Pablo VI a tuma lugar na Roma. Miles tabata testigo di e momento grandi como e coronacion a tuma lugar pa prome biaha den aire liber. Riba e portret ariba por mira e momento riba cual e cardenalnan ta bin honra e Papa nobo despues di e coronacion. Abao ta e Papa nobo mientras e ta bendiciona e multitud.

CHROESJEF A REGRESA MOSCU

BERLIN, 5 juli. — Prome minister Chroesjef a sali ayera mainta cu avion pa Moscu despues di a bishita Alemania oost. Na su salida dje aeropuerto di Berlin oost „Schoenefeld“, el a bisa entre otro: „Nos asuntunan ta bai bon, pero majan nan lo ta mas mihó. Foi mi prome bishita tabata hopi cambio. Frontera ta sera actualmente. Awor mi ta empuende di con canceller Adenauer y or o militanan ta mal contentu pasobra frontera ta sera.“

Den su discurso di despedida e lider Ruso a bisa un biaha mas, cu economia Ruso ta fuerte y le ainda esaki ta epanje su mes. Nos tin tur cos cu excepcion di anas, y nos no tin idea di baci guerra pa esaki. Segun e paisnan socialista mester ataká economia di paisnan capitalista y muestra asina superioridad di socialismu.

FLOTA DI SUBMARINO NUCLEAR

BONN, 5 juli. — Na Bonn e Union Europeo Occidental a pidi permit pa construi submarinonan di mil ton. Asina un persona di marina den e capital di Alemania Occidental a participa. Nan a haci e peticion aki como 9 luna pasa, pero te ainda nan no a hantia e permit. E Union Europeo Occidental cu ta controla armamentu di Alemania Occidental, si a aumenta algun tempo pasa e maximum pa submarinonan di Alemania Occidental di 350 te 450.

NAVO kier pa republica federal construi submarinonan pa combati submarinonan enemigo. Bonn ta di opinion, cu e aparaton electronico necesario no por wordu pone den bapornan abou di 700 ton. Ya nan a cuminsa cu disenja un submarino di 700 ton.



PROCESO MARTELLI

LONDEN, 5 juli. — Un hefe inspector di polis di seguridad Ingles a declara den e proceso contra e científico Italiano dr. Giuseppe Enrico Martelli, cu nan ta acusa di ta un spion Ruso, cu e no ta dispone di suficiente informacionnan cu e acusado a duna na un potencia stranhero o si esaki a ricibi masha ta un sen die Rusonan. Martelli di 39 aña ta forma parti di Euratom y a wordu manda temporalmente pa e laboratorio na Culham na Sar Inglaterra.

Hefe inspector Stratton a participa, cu un investigacionnan den cas dje científiconan a hantia varios obheticonan cu ta culpale y sorto di cosnan cu bo pospera di ta den poder di un spion.

Ultimamente e testigo a bisa, cu dr. Martelli a bisele, cu foi algun aña eba e ta baci parti cu su casa y actualmente e ta compania un mihó Ingles, cu quende e tabatin un fin mihó.

El a bisa cu e científico a trata na Southend pa hantia contact cu funcionarioman afu di servicio secreto di Gran Britania, coronel Young, cu ta

bata amigo cu e familia di su companiera Ingles. Diabierne di siman pasa e coronel aki a baha en pension.

Defensor di dr. Martelli a puntra hefe inspector, algu tocante burucuman secreto den hilehi dje acusado.

Stratton a bisa cu e resulta despues di e informacion na Italia, cu dr. Martelli a compra zapato cu hilehi hol pasobra esaki ta haci e zapato mas lize.

Hefe inspector Stratton a declara cu Nikolai Karpekov un ex-secretario dje embajada Ruso na Londen, tabata e bomber cu tabata conduci e trabamnan di tantu dr. Martelli como dje Ambte-nan Vassal, cu nan a condena anja pasa pa motibu di spionage pa e servicio secreto Ruso pa 18 aña den prison.

ENTREGA DI GOBIERNO NA PERU

LIMA, 5 juli. — General Nicholas Lindley, hefe dje junta militar cu ta juli proximo entrega oficial di gobierno na Peru lo haci dia 28 di na e president cu nan a eligi, Fernando Belaunde Terry, asina nan a anuncia na Lima.

SABOTAGE NA MACAO

HONGKONG, 5 juli. — Autoridadnan dje provincia Kwantoeng di zuid China a entrega un protesta serio cerca gobierno dje colonia Portugues Macao y a exige entrega di sheie Chines cu a sabotea pa China Nacionalista. Asina ta nan den un corant cu ta sali pa Kanton.

Luma pasa a bota seis grupo di agente nacionalista den territorio di costa, Kwantoeng, Foekien y Tsjekiang.

Tambe un otro grupo a comete actividad anti-Chines cu ayudo di un boto di piscaado.

Na un accion di militanan Chines y civilnan contra e agentenan nan a detene mihó, pero e sheie orenan a bula den laman y un boto di natrulla di Macao a tuma nan abordo. Esaki a tuma lugar den awanan territorial di China.

Entre tanto autoridadnan Chines den e territorio cu ta keda neza cu Mieno a haci medidanan di seguridad mas bisi cu h's a riba presencia di agentenan nacionalista. Asina viaheronnan, foi territorio na Macao a a-nuncia.

E FORMACION DI GABINETE NA HULANDA

WASSENAAAR, 5 juli. — Di parti di e informador, dr. Beel, ta wordo informacion cu e deliberacionnan entre e lidernan di fraccion di e partidunan Catolico, Union Historico Cristian, Pa Libertad y Democracia y Anti-Revolucionario, a trece un acuerdo tocante e caracter y e grandura di e obligacionnan y e linea di actitud en lo sigi tocante e puntunan controversial.

CISCO KID

presenta pa cortesia di **ARUBA BOTTLING COMPANY**

e primer fabrica di refresco na Aruba, cu e productonan mas gusta y mas pidi, **NESBITTS** e refresco sin igual.

1. Mare, hinkel den e tent, e ta papia locuras.
2. Mi Dios, ta k'o nan lo haci en e casique.
3. Nan lo marte, si nos no interveni.



PEPITA

pa cortesia di: **Antillian Hardware Co**
E mehor adres pa VERF, KWASHI, TUR CLASE DI HERMENT, articulos sanitario.

1. Unminan soppi di remolacha.
2. Lorenzo, esey ta un k'o pa e cortinan.
3. Wel e la smak mihó si e tabata soppi di remolacha.



YABI

pa bo exito

Avisa den
**ARUBAANSE
COURANT**
y compara e
resultadol

A CABA DI JEGA

un surtido precioso di
TAS Y SAPATO
pa damas

Den ultimo creacion, y na prijsnan
masha atractivo. Pasa awe mes na

La Linda

PA MEDIO DI ESAKI NOS KIER PARTICIPA
CU E RIFA'DI

KLEUTERSCHOOL SANTA CRUZ
definitivamente la tuma lugar
DIA 14 DI JULI venidero.

Ainda a keda algun lot, no laga e oportunidad aki
bai di por bira ganador di un dje bunita premionan.

1er premio: UN AUTO Ford Cortina
2do premio: UN TELEVISOR y
3er premio: UN RADIO PICKUP Grundig

TIRE

solamente Fl. 15.-

den tur tamajo, tambe tin algun cu white-side-wall!
Pone un SET di tire pa bo auto, en prijs di UN tire cunpa na otro parti!
* Tambe nos tin un surtido grandi di RADIO TRANSISTOR, cu prijsnan for di f. 8,- pa'riba.

PANAMA STORE

San Nicolas
Tel. 5131

Ora nos ta papia di SERVICIO, nos ta meen tambe SERVICIO!
(Pa cuakier reparacion di bo radio, tape-recorder etc. rapido, eficiente y economico, acudi na)

Casa Electronica
(Banda di Vianá) - tel. 5371.

By special purchase we can sell
GLASS SHUTTERS
and
ALUMINIUM & STAINLESS STEEL FRAMES
at very low prices

Make use of this special offer NOW!

ARUBA HARDWARE C.V.
(Brenchi)

Semper na existencia

TOMATI FRESCO — LECHUGA — PROMENTON — COMCOMMER — PAMPOENA — YAMS — YUCA (Casave) — BATATA DUSHI — OCUMO y hopi mas.

També fruta fresco manera MELON — PATIA — BACABA — ANASA etc.

Exhibi fruta y verdura FRESCO. PA BO SALUD

Pa prijs razonable y bon servicio

FRUTERIA SAN JOSE
(Elita Ras propietario)
Patras di Post Kantoor na San. Nic.

NOS A CABA DI RICIBI:

- * MUEBLES DI ROTAN
- * MATRAS DI FOAM-RUBBER, cu furo di Zipper.
- * LAMPI pa plafoni, Jessenaar, muraya, importa di Hulanda y Dinamarca

Pa muebles fini, di calidad superior, ta un adres so tin:

MESKER

WEA MARAVILLOSO...

un wea den cual por traha bolo, of pie, sin haci uso di FORNU! Masha simpel, rapido y economico. Obtenible den diferente tomonjo

Prijs for di f. 6.- pa'riba

Pasa welte'e na

ACME STORE
San Nicolas — Tel. 5381-5384

DELIBERACIONNAN FRANCES ALEMAN

BONN, 5 juli. — A cuminsa awe na canceleria na Bonn e prome deliberacionnan Frances Aleman, manera ta para den e tratado di cooperacion entre ambos pais cu foi algun dia ta den vigor.

E conferencia a cuminsa cu un conversacion entre canceller federal Adenauer y president De Gaulle. Entre tantu a tuma lugar entre e prome minister Frances Pompidou y segund canceller Erhard un entrevista tocante kesionnan politico en general.

E delegacion Frances bao di direccion di general De Gaulle ta conta hopi minister entre kende, prome minister Pompidou y miembronan di finanzas, defensa, agricultura, di asuntunan exterior y di enseñanza. Awe mainta nan a vega ne capital di Alemania west. Cancellier federal Adenauer y un gran forza di polis tabata el pa ricibi e huespednan Frances.

Despues dje deliberacion, cu nan a tene awe mainta tantu Adenauer como De Gaulle a declara cu e cooperacion entre Francia y Alemania west tabata dirigi riba bienestar di henter mundo. De Gaulle, cu a papia cu acento tocante „su amigo canceller Adenauer, a yama e deliberacion entre ambos pais „un renobacion grandi“. Adenauer a papia tocante un dia historico, ora cu e tabata trata dje deliberacionnan di esaki.

Minister Frances di agricultura

Edgar Pisani, a bisa cu el a papia cu su coleganan di Alemania west Werner Schwarz tocante e problema di trigo y e schema di tempu pa deliberacion na Brussel.

Den un declaracion haci na Londen Benn a haci un yamamentu riba gobierno Ingles pa cumpli cu su responsabilidadnan constitucional door di yuda e colonia na mantencion di ley y door di retira gobernador Gray y e hoofdcommissaris di polis.

Den e declaracion ta worde bisa, cu ta visto cu tin un conspiracion pa haci gobernacion díficil pa e gobierno di Guyana Ingles.

Entre tantu e minister Ingles pa colonia a bisa den Camara de los Comunes cu e ta considerando pa orto siman e mes bai Guyana Ingles. E minister, Duncan Sandys, a bisa cu prome cos cu mester worde haci ta restablece situacion normal. Despues mester hantia un salida for di e impasse constitucional cu a trece e fricaco di e ultimo conferencia di independencia.

Awe tabata di 76 dia cu e welgu general na e pais ta dura, mientras cu ya por lo menos 60 persona a worde herida a consecuencia di irregularidadnan entre e diferente razanan na e pais.

ORAGANISACION DI ESTADONAN MERICANO Y CUBA

WASHINGTON, 5 juli. — E conseho dje oraganizacion di estacionan Mericano a aproba un rapport den cual nan tin insist pa tuma medidanan serio contra viahenan pa Cuba pa combati infiltracion comunista y propaganda riba hentisferio occidental.

Nan a acepta e rapport conipone pa un comision special inter Americano, cu 14 voto pro y un contra y 4 abstencion. E unico cu a vota contra tabata Chili, Brazilia, Mejico, Venezuela y Haiti no a vota.

Den e rapport nan ta propohe un prohibicion completo pa viahenan pa Cuba foi otro luganan di hentisferio occidental, tambe masha ta trata di viahenan pa finesnan oficial o humanitario.

TA BENDE

1 VENETIAN BLIND
(Scherm pa solo) na bon estado, tamajo 103 inch pa 78 inch.

Acudi na:
Julianstraat 2
Tel. 1338

NOBO NOBO NOBO

Nassaustraat No. 34

Nos a caba di ricibi un bunita coleccion di Dacron Polyester Arnel, den colornan liso y cu bunita disenos, cuadrá, y masha bunita. Woven cottons for di Suiza. Jerseys den bunita color liso. Un surtido grandi di tela pa cortina.

PROTESTA RUSSO CERCA NACIONNAN UNI

NEW YORK, 5 juli. — E representante permanente Ruso cerca Nacionnan Uni Morozov, a protesta cerca dje gabinete di secretario general U Thant, Narasimhan, contra trato di autoridadnan Mericano pe Ruso Egorov, miembro di personal di Nacionnan Uni y su casa, cu nan a aresta pa motibu di spionage. Union Sovietica ta pone nan mes ne punto di vista, cu tur funcionario Ruso cerca Nacionnan Uni tin un status diplomático y ta goza tambe di inviolabilidad diplomático. Narasimhan a anuncia Morozov, cu Nacionnan Uni no ta comparti e punto di vista aki, y Morozov a declara cu lo protesta cerca U Thant.

Un miembro dje departamentu juridico di secretariado di Nacionnan Uni y miembro dje departamentu di personal a bishita ayera e pareha Egorov den prison.

PRINCESA BEATRIX A BATISA BAPOR MERCANTIL

DEN HAAG, 5 juli. — Ayera e bapor di mas grandi dje flota mercantil un tanker cu turbinu cu un capacidad di 91.000 ton a hantia durante un viahe di prueba riba Noordzee su nombre oficial: „Eso Den Haag“.

E ceremonia a worde haci pa Princesa Beatrix, cu a tira e botter tradicional di champagne foi e loopbrug riba e parís atras dje bapor contra e dekhuis. E tanker tabata ne momento aki riba rada di Scheveningen, na poco distancia dje pier cu nan a dorna masha bunita pe ceremonia aki.

Tabata e in'encion pa Princesa Margriet batiza „Eso Den Haag“, pero e ruman mas hoben dje Princesa heredera ta malu door di un caída cu e tabatin siman pasa.

Imediatamente despues di baportamento nan a entrega e bapor. Awe Princesa Beatrix lo baha airdi na Hoek van Holland dje bapor aki pa un sleepboot cu cua e lo continua un etapa pa luga chái di costa.

SABROSO

un wea den cual por traha bolo, of pie, sin haci uso di FORNU! Masha simpel, rapido y economico. Obtenible den diferente tomonjo

Prijs for di f. 6.- pa'riba

Pasa welte'e na

ACME STORE
San Nicolas — Tel. 5381-5384

ARUBA TRADING CO.

NOVENO A.S.U. OLIMPIADA TA CUMINZA AWE NOCHI

den Wilhelmstadion ta worde inman-
a awe nochi e Noveno Olimpiada
A.S.U. E programa di inauguracion no
ta mustra cambio den e ceremonianan,
pero si den e ramu di deporte cu des-
pues di e murti ceremonial ta tuma luga.

Lo tin atrobe desfile di e diferente
club y bondnan deportivo. Luego hi-
camento di bandera Arubano sigi pa
entrada di e Sportman di Anja. E pa-
rti aki semper ta uno hopi impresionante
y e inauguracion debi na promer luga
pa forma secreto cu te na e momento
pa ta worde cuida ta kende a worde
eligi door di directiva di A.S.U. como
Sportman di Anja y na di dos luga pa
forma den cual e presentacion ta tuma
luga. Mientras cu e liznan di Stadion
ta dal paga, e Sportman ta drenta Sta-
dion na carrera cu un torch cendi na
su man y e ta dal un buelta completo

den stadion pa luego tuma su puesto
canta pa tribuna di honor mientras cu
mesora un rafaga di vuurwerk ta wor-
de cendi. Seguidamente e president di
A.S.U. lo tene un discurso di inaugura-
cion y na final lo haci entrega di e
Antje-Beker na e Sportman di Anja.
Cu e parti aki conclui, e 12 candida-
nan pa Reina di Deporte ta worde pre-
senta na e publico presente.

Y cu esaki e parti ceremonial di
inauguracion di e Olimpiada ta keda
termina. E promer ramo di deporte cu
luego ta mira accion ta boxeo. Un
programa completo di boxeo amateur
lo worde presenta.

Importancia di e Olimpiadanan

A pesar cu e olimpiadanan cu riba
iniciativa di A.S.U. ta worde organisa

for di anja 1955 no ta resulta un exito
financiero, tog nos ta kere cu ta aplau-
dible pa e olimpiadanan sigi worde teni.
Nan a bira un evento especial caba pa
hopi deportista y hopi di nan ta prac-
tica, y prepara nan mes especialmente
pa e ocasion di por tuma parti den we-
ga of weganan en conexion cu e Olimpi-
ada. Pues pa e deportistanan cy e
olimpiadanan taifica hopi ora di sano
diversion. Ariba terego, ariba bicicleta,
ariba un mal, den un ring of riba la-
man nan ta pasa oranan den forma
sano pa prepara nan mes y pa asina
na momento di e olimpiada nan por
baci e mihor papel posibel.

Na e momento cumbre di e compe-
tencia pa e deportistanan tin tambe
momento di sano diversion pa e publico
amante di deporte cu ta asisti na e
weganan. Presencia di e publico hopi
biaha ta duna e deportista, e atleta e
apoyo moral necesario cu e mester pa
por saka ainda un dosis extra di energia
pa e por cruza e linea final na cabes
of pa e por dal un hit yempuha e ca-
rera di gana. Ta p'esei tambe ta hopi
importante pa nos publico atende e
evenementonan den e mas grandi can-
tidad cu ta posibel.

E anja aki e programa di e Noveno
Olimpiada A.S.U. ta ofrece hopi even-
to cu entrada gratis pa e publico. Esaki
lo por ta un invitacion pa e publico
di Aruba bai presencia nos atletanan
den accion y asina pasa un ratu agra-
dabel y sano. Muchanan por banja asi-
na interes den cierto ramo di deporte
y e ora nan lo por dedica nan mes na
practica un of otro ramo di deporte.

Mas aplaudible ainda e trabau aki di
A.S.U. mester worde considera ora cu
nos pensa cu A.S.U. no ta un organo
reconoci door di e Comité Olimpico In-
ternacional. Esun reconoci pa nos pais
ta N.A.O.C., cual logicamente lo mester
ta esun pa haci e trabau di organisa
olimpiadanan of alomenos promove e
idea di tene Siman di Dia Olimpico.
Aunke cu naturalmente e Olimpiadanan
A.S.U. no por worde compara cu loke
e Comité Olimpico Internacional ta or-
ganisa tog e Olimpiadanan tin algo en
comun y esey ta di duna e ocasion pa
competencia den forma husto y limpi.

Cooperacion necesario

Teniendo na cuenta cu tur esaki nos
ta kere cu ta mas cu husto pa e pueblo
Arubano mustra su aprecio pa e orga-
nizacion di e olimpiadanan door di aten-
de e diferente eventonan den gran nu-
mero. E cooperacion aki di parti di e
publico ta altamente necesario y nos ta
confia cu e lo worde duna tambe.

Na e atletanan cu lo tuma parti den
e olimpiada nos ta haci e yamamento
di corda semper cu nos promer luga ta
importa bo mes como un berdadero
deportista. Mustra cu meskos bo sabi
di gana, bo por sabi di perde tambe den
un forma caballeroso y deportivo.

VEENDAM 3 SITHOC 2

(Di nos Redactor Deportivo)

A continuacion di e campeonato
Antillano di futbol na Corsow a en-
frenta otro Veendam y Sithoc. E
biaha aki e oncena campeon di Cor-
sow, Veendam a resulta vencedor
cu anotacion di 3 gol pa 2. Den e
promer rond nan a empatu na cero
gol.

ARUBA JRS JRS TA CONTI- NUA INVICTO DEN BASKET

(Di nos Redactor Deportivo)

Su septimo victoria consecutivo e
quinto hubenil di Aruba Jrs Jrs a
obtiene diarazon anochi ora cu nan
a supera e equipo di R.C.A. cu score
di 33 pa 14 R.C.A. en cambio tin
un record net contrario ya cu den
nan shete salida ainda tur a resulta
derrota. Mior scorer di Aruba Jrs
tabata Stanley Zamandam cu 10 punto
y pa R.C.A. e mior tabata L. Wil-
lems cu nueve punto.

E partido masculino clase A en-
tre Aruba Jrs y Don Bosco a resul-
ta un triunfo pa e quinto di Don
Bosco. E partido a finaliza 25 pa 20
y ta triunfo number cinco pa Don
Bosco den shete salida. Cu e triunfo
aki Don Bosco ta pareu cu e equi-
po di Plymouth den promer luga cu
cinco victoria cada un. Plymouth sin-
embargo tin un so perdi y Don Bos-
co tin dos perdi.

E equipo di Aruba Jrs tin awor
dos gana y cinco perdi.

Mior scorer di Aruba Jrs tabata
O. Tromp cu 8 punto y di Don Bos-
co e mior tabata N. Wout cu 10
punto.

TUR BO ARTICULONAN PA DEPORTE

bo ta cumpra naturalmente na

CABENDA

* ZAPATO (marca argentino, co-

lombiano, y chileno.

* CAMISA, CARSON, etc. etc.

J. E. P. Cobendo

Oude-Schoolstraat — Tel. 1539

Oranjestad



Aki ta un lista mas di e coronacion di Papa Pablo VI. Aki Papa ta worde carga ariba e plaza di San Pedro (en di hende pa e plataforma caminda e coronacion a tuma lugar).

DECLARACION DI CHROESJEF CONTRA GUERRA

FRANKFORT, 5 juli — Na un reunion di 8000 Aleman di Oriente y Paises na Frankfort na Oder e premier Riso Chroesjef a bisa, cu ta increíble, pa Union Sovietica declara guerra na paisnan capitalista pa di e manera ey derruta capitalista. Pa cada capitalista nos lo destrui un millon obrero. Solamente iustitiaman lo por dicitu na haci algun asina.

Historia lo duna esnan cu tin un otro opinion riba esqui di comprende cu nan no tin rason. Cu esaki e premier tabata quier meen China.

E obreronan den e paisnan capitalista mester a trata na logra nan intento door di lucha di clase. Qui medianan nan tabata quier a usa tabata nan asintu. Union Sovietica nunca lo mete den asintunan interno di otro paisnan. Esey lo nifica guerra y nos ta contra guerra, asina Chroesjef a bisa.

E lider di Alemania Oriental, Ulbricht y e premier Polaco Cyrankiewicz tambe a papia na e reunion aqur.

Hans Martin Nellich di iglesia protestante na Berlin Occidental tabata na Berlin Oriental y el a papia dos ora cu Chroesjef. El a pidi e premier Riso pa utiliza su influencia pa logra cu e

fianan di Berlin cu ta separa door di e muraya di Berlin bolbe worde uni. Hellich a participa prensa, cu Chroesjef tabatin comprendemento pa su argumentonan y el a priminti pa pasa e peticion pa e autoridadnan autorisa.

Awe e premier Riso ta bishita pa Moscu, unda mayan e deliberacionnan cu e Chinesnan ta cuminsa.

REGRESO DI MILITARNAN INGLES PRESU

CAIRO, 5 juli — Segun Radio Cairo a participa e 16 militarnan Ingles cu 11 dia pasa a worde cohe presu na Jemen lo worde manda a we cu avion pa Aden y nan a yega eba segun un noticia dje gobierna Ingles nan lo mester paga un millon mei di florin mientras nan a laga e delegadonan Americano na Taiz dis-culpa nan cerca autoridadnan di Jemen por incidente y priminti cu Inglaterra lo no haci ningun agresion.

MERCA TA RECHAZA EXIGENCIA RUSO

WASHINGTON, 5 juli — Merca a rechaza e exigencia Ruso pa inmediatamente laga e empleado Sovietico serea Nacionnan Uni. Egorov sali liber. Asina departamento di estado a participa.

Manera ta conoci ayera recherche di Merca a detene Ivan Egorov di 41 anja y su esposa Aleksandra na New York. Riba acusacion di conspiracion pa spiona. Na mes momento dos otro persona, un pareha, a worde detene. Nan nacionalidad no a worde publica. E delegado Ruso di negociacion na Washington a protesta contra arestacion di Egorov den un conversacion cu e segundo minister interino di exterior, Davis, kende ta encarga cu asuntunan Europeo.

Segun e Ruso un tal accion ilegal no por mehora di ningun manera e relacionnan entre Rusia y Merca.

DELIBERACIONNAN TOCANTE MALEIE A TERMINA

KUALA LUMPUR, 5 juli — Principe Abdul Rahman, prome minister di Malakka, a ordena su delegacion cu actualmente ta na London pa kibra deliberacionnan cu delegadonan di Singapore tocante un gran federacion di Maleisie.

Na London e decision di prome minister Rahman a causa un gran alternacion cerca delegacionnan di Singapore y Malakka.

Nan deliberacionnan tabata trata principalmente tocante contribucionnan financiero di Singapore ne federacion nobo, di cua ademas di Singapore y Malakka, tambe Broenei, Noord Borneo y Serawak lo forma parti.

Tambe e Sultan di Broenei, cu tambe ta na London, no ta di acuerdo cu financiamiento dje federacion nobo.

COMLOT COMUNISTA NA IRAK A FRACASA

BAGDAD, 5 juli — Ayera malta gobiernu di Irak cu yudanza di militar y polsian a logra macha ilhe pa laga un intento di comunis-tanan pa tuma e gobiernu fracasa. Den mei ora nan a pone un fin na un movimiento pa apodera di e campamento militar Al Rasid di Bagdad.

Gobierno a duna un declaracion den cual e ta participa, cu un comite especial a cuminsa cu interrogacion di e conspiradornan detene.

E cantidad di arestantenan no a worde menciona. Asina cu mas o menos den oranan di marduga e prome alarm a drenta e militar nan a sera e campamento mas principal, entre cual esun pa e palacio presidencial, e edificio di radio Bagdad y esun pa e centro militar di comunicacion. Ademas nan a staciona tankinan di guerra na e palacio presidencial y na e brug mas importante riba e rio Tigris.

Tambe nan a pone cuerdianan na e residencianan di representacionan di estrañerian. Segun informenan tin mas di mil presu politico den e campamento Al Rasid, despues cu nan a worde interna eyan na caida di general Kassem. Parece cu hopi di e presunan tin simpatianan comunista.

Radio Bagdad continuamente tabata transmiti expresionnan di fidelidad di comandantenan militar.

ACTIVIDAD POLITICA ROND DI BINNENHOF

DEN HAAG, 5 juli — En coleccion cu e esfuerzo di e informador di gabinete, dr. Beel, pa mayan mainta negocia cu e lidernan di e partidonan cristian y e partido liberal, tabatin ayera un gran actividad politica na y rond di Binnenhof na Den Haag.

Tres di e fraccionnan, esta esun di e partido anti-revolucionario, e partido catolico y e partido pa libertad y democracia a studia e memorandum cu dr. Beel a traha pa soluciona e puntunan di conflicto cu tin segun e riba cual formacion di un gabinete den sentido manera esun di De Quay por fracasa.

E fraccion di e partido union cristian historico a reuni dor di ayera nochi.

Di e contenido di e memorandum di dr. Beel te ainda ni un solo palabra a sali na publicidad. Cu un tension aumentando nan ta spera na Den Haag resultado di e deliberacionnan aki.

ULTIMO CUBANONAN A YEGA MERCA

MIAMI, 5 juli — Cu yegada di 12 refugiado na Florida a termina ayera e comercio di cambio den hende y mercaderias entre gobiernu di Castro y desteradonan Cubano na Merca. Hopi dje repatriantenan a participa na e invasion di 1961 cu a fracasa. Pa nan liberacion Castro a ricibi cuminda, remedio y partinan di auto te un suma total di cien millon florin.

FEDERACION CENTRAL AFRICANO TA PLAMA FOR DI OTRO

VICTORIA FALLS, 5 juli — Inglaterra, noord y sur Rhodesia y Nyassaland a yega na un acuerdo pa finaliza e federacion central Africano, cu a existi diez anja.

El a worde forma door di Nyassaland y Noord Rhodesia (ambos cu un gobiernu di hendenan color sear) y Sur Rhodesia, cu tin un gobiernu di hendenan blanco. A worde palabra cu e federacion lo worde disolve mas pronto posibel, prome cu fin di e anja aki.

E gobiernu federal, cu pa mayor parti ta consisti di hendenan blanco y cu ta worde dirigi pa Sir Roy Welensky, lo mester baha. E dificultad mas grandi na liquidacion di e federacion ta repartio di e debenan di e gobiernu federal, cual ta algun miljar florin. Cu excepcion di un fianza chiki di Merca ta trata di placa cu a worde fidi di Inglaterra. Sir Roy kier pa Inglaterra tuma mayor parti di e debenan pa su cuenta, pero Inglaterra no ta sinti mucho pa esey.

INDONESIA TA ABOLI MEDIDANAN ANTI-HULANDES

DJAKARTA, 5 juli — Indonesia a aboli e prohibicion pa navegacion Hulandes den su awanan territorial. Asina nan a anuncia awe den un comunicado di ministerio Indones pa comunicacionnan naval.

Actualmente bapornan Hulandes tin mag di drenta hafnan Indones, bao dje mesun condicionnan cu ta valido pe otro bapornan di stranheria, sea di pasahero y di carga.

Na april 1960 nan a pone e prohibicion aki durante campanja Indones pa West Irian.

Den un di dos anuncio dje ministerio, cu Indonesia tambe a pidi KPM di Hulanda pa inscribi pa transportacion di arroz di Birma y Thailandia pa Indonesia. Indonesia a firma poco tem pasa un contract pa compra di dos cien mil ton di arroz, di cua e entrega mester tuma lugar e anja aki mes.

Nan a ripara, cu no te intension pa KPM lo hanja un posicion privilegia na inscripcion. Den informacion pe decision nan a bisa, cu ta necesario pa proclama stipulacionnan nobo pa cambia relacionnan comercial entre Indonesia y Hulanda.

PRINS BERNHARD TA ENTREGA PREMIO ERASMUS

AMSTERDAM, 5 juli — Prins Bernhard a entrega ayera mainta como regent dje asociacion Præmium Frasinianum den presencia di la Reina Juliana y Princesa Beatrix e premio Erasmus 1963 ne teologo hudo filosofo y sociologo profesor Martin Buber di 85 anja. Tabata e di 5 bishita cu nan ta enrega e premio aki pero ta di prome bishita cu esaki ta na un lugar na Hulanda durante pa reunion ceremonial den e aula grand dje instituto real pa propicio na Amsterdam; asiento dje asociacion.

E razonnan di eon nan a entreg e premio Erasmus — cu ta contene un suma di 100.000 florin — ne profesor Buber ta mas di mei siglo cu a bira un manera masha amplio e bira un espiritu Europeo.

Prins Bernhard a bisa den su discurso pa profesor Buber, cu esaki e deliberacion cu directiva dje asociacion a dicitu pa asta gran parti dje placa dje premio Erasmus na un estudio profundo di un asunto cu ta hunga un propio papel den mantenimientu di paz mundial: „E crisis y destino di hudo Europeo, durante y despues di segundo guerra mundial”.

Elocucion di publicacion dje estudio interesante aki lo worde encargar ne instituta científico Leo Baek, cu ta situa na London y Jerusalem.

Den su palabra di inauguracion president dje asociacion, dr. Paul Rijkens, a memora cu Principe a establece na anja 1958 e premio Erasmus cu e intension pa duna esaki anualmente na personanan o instalacionnan di kende nan ta considera nan ta considera nan trabao di gran interes pa bida espiritual y cultural na Europa.

SITUACION ECONOMICO DI MUNDO

NEW YORK, 5 juli — E gobiernonan di mayoria di e paisnan industrialista ta spera, cu e tempo di crecimiento economico e anja aki lo ta mas o menos igual cu esun di anja pasa. Asina ta resulta for di un resumen tocante situacion economica den mundo cu a worde publica pa Nacionnan Uni. Algun pais, especialmente esnan cu cual nan produccion anja pasa a keda bao di loke ta posibel door di limitacionnan, cu gobiernu a pone intencionalmente, ta spera un aumento di e crecimiento. E desarrollo di produccion lo depende e anja aki mas cu nunca di desarrovo di petida. Den e paisnan di EEG ta worde spera un flohementu leve di crecimiento economico na Belgica y republica federal Aleman y un aceleracion na Francia y Hulanda.

Na Merca e tempo di expansion no tabata suficiente anja pasa pa hanja e capacidad cu tabata relativamente grandi bira mas chiki. Den mayoria di e otro paisnan Europeo y na Japon nan no ta spera cambianan economico importante pa e anja aki.

LE FEVRE TA QUEDA PREMIER BELGO

BRUSSEL, 5 juli — E prome minister Belgo, Lefevre, a bisa ayera nochi cu e lo queda ocupa su puesto y cu e lo trata na hanja un solucion pronto pa e problemanan di idioma na Belgica.

Despues di un reunion cortico di gabinete el a bisa periodistanan cu e gobiernu ta queda.

BO HOROSCOPO PERSONAL

ARIES
21 Maart — 20 April
Mayoran y personanan importante lo ta irritable a we evita tur co, cu por disgusta nan. No cuminsa aventuranan peligrosas.

TAURUS
21 April — 20 Mei
No trata pa forza nada y no impone bo opinion na otro. Concentra bo mes riba bo debernan y bo trabao.

GEMINI
21 Mei — 20 Juni
No laga inter-duda retene bo o- a bo mira oportunidad di ventura. Bo in suerte y bo por tuma poco chens.

CANCER
21 Juni — 22 Juli
Awor aspectonan ta sumamente favorable y bo mester usa tur bo fuerza pa logra bo objetonan. Un bon dia pa transaccionnan.

LEO
23 Juli — 22 Augustus
Keda prepara pa cambia bo ideanan si a resulta cu bo trao contra otro personanan no ta bata correcto.

VIRGO
23 Augustus — 22 September
No laga hendenan cu bo conoce poco tempu entre-mele den bo asuntunan. En general bo mester ta mas reserva.

LIBRA
20 September — 22 Oktober
Originalidad y ambicion por duna bo e aprobacion di hendenan cu influencia. Trata pa haci cambianan den bo trabao.

SCORPIO
23 Oktober — 21 November
Awor bo huicio ta bon riba casi tur terreno. Tambe ta bato jero di amor bo por logra exto si bo actua energico.

SAGITARIUS
23 November — 21 December
Acionan impulsivo por costa bo placa awor; tene hopi cuidao cu cumplimiento di cos y firmamentu di papel.

APRICORNUS
22 December — 19 Januari
No haci plannan pa e weekend venidero sin consulta cu tur esnan cu ta relaciona. No haci bishitanan inespera.

ACUARIUS
20 Januari — 18 Februari
Tambe awe e aviso di ayera ta keda, pero bo huicio lo ta mehor y bo por demostra bo valor den bo trabao.

PISCES
19 Februari — 20 Maart
Awe por tin un gran tendencia pa laga bo debenan un banda poco y bo por dedica bo mes na bo hobby nan mas tantu.

OE THANT A SALI DI HUNGRIA
BOEDAPEST, 5 juli — E secretario general di Nacionnan Uni, Oe Thant, a sali ayera despues di un bishita di dos dia na Hungria, for di e pais ey pa Sofia.

Durante su estadia na Hungria, Oe Thant a papia mas o menos cinco ora cu Kadar, e minister president Hungaro.

Segun fuentenan autorisa nan a papia tocante diferente problema, entre cual e kestion Hungaro den Nacionnan Uni.

E KESTION RACIAL NA MERCA

NEW YORK, 5 juli — Shere promi-nente organisacion Mericana pa derechonan civil a dicitu pa bida un campanya hunta pa elimina discriminacion racial.

Lidernan di e organisacionnan a participa despues di un reunion cu nan a tene na New York cu nan ta haci esfuerzo pa forma un fondo di emergencia di un millon dolar y oru cu e fin di por adquiri mas personal den teritorionan unda tin tension a consecuencia di separacion racial.

Door di e fondo nan lo por paga tambe yudanza juridico. E sociedad nacional pa progreso di hendenan color sem y e conferencia septentrional bon di direccion di dr. Luther King tambe ta forma parti di e organisacion.

OE THANT PA BULGARIA Y ROMA

SOFIA, 5 juli — Secretario general di Nacionnan Uni, Oe Thant a yega awe den capital Bulgaro. E secretario general a delibera durante dos dia na Hungria cu personanan di gobiernu entre kende prome minister Kadar.

O Thant a worde saluda na aeropuerto pa segundo premier Zhivkov. Tambe O Thant lo papia na haci autoridadnan di gobiernu.

Otro siman diabuebs secretario general O Thant lo worde ricibi pa Papa Pablo Sexto den audiencia. O Thant lo haci di 10 te 13 di juli un bishita oficial na Italia.

DEBAT DEN CAMARA DE LOS COMUNES

LONDON, 5 juli — E lider di e partido laborista na Inglaterra, Harold Wilson, a bisa den Camara de los Comunes den e debate tocante politica di Exterior, cu e no tin miedu cu Rusia lo entrega armanan nuclear na China. Pero si Occidente duna Alemania Occidental armanan nuclear, ante e situacion lo bira completamente otro. Esaki puet ta un asunto cu e premier Ruso, Chroesjef ta considera masha importante.

Segun Wilson, gobiernu Ruso lo aplaudi un acuerdo cu ta limita posesion di armanan nuclear na e enater paisnan atomico — Merca, Rusia, Inglaterra y Francia, masha tantu mes.

Segun Wilson un potencia atomico di Nava cu personal for di e paisnan no atomico so lo ta un estorbo cuba pa Chroesjef pa e firma un acuerdo contra demas plamamentu di armanan atomico. E lider laborista a yega na e conviccion den su deliberacionnan cu Chroesjef, en lo no por tin nada mas di un menagacion di e tensionnan si e Alemanan haya armanan nuclear.

LUCHA CONTRA MAFIA

PALERMO, 5 juli — Despues di atentadonan na Sicilia riba diasabra y diadomingo pasa, cu a costa bida di 9 persona entre cua shete polis den homicidio, a desencadena na Palermo un lucha riba Mafia. E resultado ta cu te ainda nan a aresta 50 miembro dje organizacion aki y un arsenal completo di arma y explosivo en ta pertenese na nan. Entre personanan aresta tin Antonio Musso, un die lidernan di banda di Mafia na Palermo.

Na Sicilia tin doi 4 dia eba estado di sitio. Henter e forza di polis ta participa dia y nochi ne operacionnan.

BUCHI ROBEZ

presenta pa cortesia di: REFRESQUERIA INGRID TEL. 1849

★ e mehor adres pa snacks, tur clase di dushi, softdrinks, ice-cream y revistas



HAVE YOUR BATTERY CHECKED AND SERVICED

Have your battery inspected and recharged to save you trouble on the road. When you need a new battery buy a Willard for quick starts, long life and less cost. There is a Willard Battery to fit all automobiles on the road today, priced to fit every pocketbook.



JOSSY MOTORS

Wilhelminastraat 91 Aruba

Willard

The Battery with Plate Anchor & Formula 57.